



Resolución da Xefatura Territorial da Consellería do Mar na Coruña pola que se comunica o emprego da lista aberta para o incremento do número de cotas de captura para as embarcacións incluídas no plan de xestión do recurso específico SOLÉNIDOS, modalidade mergullo en apnea, da confraría de pescadores de Palmeira.

Antecedentes

1. A Orde do 22 de decembro de 2021 aprobou os plans de xestión para recursos específicos e algas en Galicia para o trienio 2022-2024. (DOG Núm. 251, de 31.12.2021).

De conformidade co expediente de aprobación do plan de xestión para o recurso específico Solénidos (PE410A 2021/22-1), modalidade mergullo en apnea, da confraría de pescadores de Palmeira (en diante a entidade), estableceuse un número máximo de 4 embarcacións con 9 mergulladores habilitados con dereito a cota para todo o trienio e no plan de xestión indícase un número máximo de 3 habilitacións por embarcación.

Trala finalización do último proceso de renovación de 2021 desta modalidade na entidade para o trienio 2022-2024, o número de embarcacións coa modalidade navalla/longueirón (Z3) no permiso de explotación autorizadas para participar no plan é de 3 embarcacións que contan cun total de 5 habilitacións.

2. O 25.10.2022 (Registro de Entrada nº 1822/RX 2606196) a entidade presentou unha solicitude para que se iniciase o proceso para a cobertura de só 2 cotas para as embarcacións que xa participan no plan e logo xa se outorgaría máis adelante a modalidade a 1 barco con 3 cotas, de xeito que o aumento dun xeito progresivo sería o máis axeitado.

3. O 03.11.2022 a xefatura territorial comunicou a proposta á confraría de pescadores de Palmeira para proceder á convocatoria dun proceso para a elaboración da lista para o incremento de cotas para as embarcacións participantes no plan de xestión, para logo ofertar 2 cotas ás embarcacións que figuren nela de acordo coa orde de prelación resultante. Posteriormente realizaríase a convocatoria para outorgar a modalidade a 1 embarcación con 2 cotas ou con 3 cotas (neste caso sempre que por parte da entidade se solicitara unha medida de adaptación para modificar o número máximo de participantes no plan de xestión a 4 embarcacións con 10 cotas e esta fora resolta favorablemente). Nesta comunicación outorgábaselles un prazo de tres (3) días hábiles para que

Xefatura Territorial da Coruña
Rúa Ramón y Cajal, 2 5º andar (Casa do Mar)
15006 A Coruña
Tel.: 981 182 000
xefaturaterritorial.mar.coruna@xunta.gal





presentasen as observacións que considerase oportunas. Transcorrido do dito prazo non se recibiu resposta por parte da entidade.

4. A Resolución do 24.11.2022 desta xefatura territorial abriu o prazo de presentación de solicitudes para a elaboración da lista aberta para o incremento do número de cotas de captura para as embarcacións incluídas no plan de xestión do recurso específico SOLÉNIDOS, modalidade mergullo en apnea, da confraría de pescadores de Palmeira.

5. Por Resolución do 23.02.2023 desta xefatura territorial publicouse a lista provisional de puntuacións das embarcacións admitidas ao proceso de elaboración da lista para o incremento do número de cotas de captura para as embarcacións incluídas no plan de xestión do recursos específico SOLÉNIDOS, modalidade mergullo en apnea, da confraría de pescadores de Palmeira.

6. O proceso de elaboración da lista indicada no punto anterior rematou o 23.03.2023 mediante a Resolución desta xefatura territorial pola que se fixo pública a lista aberta para o incremento do número de cotas de captura para as embarcacións incluídas no plan de xestión (anexo I).

Consideracións legais e técnicas

1. A Orde do 30 de decembro de 2015 pola que se regula a explotación dos recursos específicos no ámbito da Comunidade Autónoma de Galicia, establece nos artigos 39 a 46 o procedemento para o incremento do número de cotas de captura para as embarcacións incluídas nun plan de xestión. No seu artigo 39 establece un sistema de lista aberta para o incremento do número de cotas de captura para as embarcacións incluídas nun plan de xestión na que a orde de prelación das embarcacións virá determinado pola puntuación obtida trala aplicación do baremo previsto no artigo 43.1.

2. A Resolución do 23.03.2023 desta xefatura territorial aprobou a relación coas puntuacións obtidas polas embarcacións admitidas na convocatoria para a elaboración da lista para o incremento do número de cotas de captura para as embarcacións incluídas no plan de xestión.

3. As solicitudes presentadas valoráronse de acordo co establecido no anexo I (epígrafes A e C) da Resolución do 4 de maio de 2016, da Dirección Xeral de Desenvolvemento Pesqueiro, pola que se aproba o baremo para acceder ás modalidades de recursos específicos no permiso de explotación das embarcacións, así como para elaborar as listas e actualizar os méritos para o incremento do número de cotas de captura para as embarcacións incluídas nun plan de xestión de recursos específicos, modificada pola Resolución do 18 de maio de 2020, da Dirección Xeral de Desenvolvemento Pesqueiro.

4. Na actualidade o número de cotas existentes é de 5 en 3 embarcacións, cando o número máximo establecido no plan de xestión do recurso é de 9 en 4 embarcacións cun número máximo de 3 habilitacións por embarcación.

O 03.11.2022 esta xefatura territorial comunicou á confraría a proposta de proceder a elaboración da lista para o incremento de cotas para as embarcacións participantes no plan de xestión e ofertar dúas (2) cotas ás embarcacións que figuren nela. Polo tanto, emprégase a lista elaborada para ofertar as dúas (2) cotas dispoñibles ás embarcacións participantes no plan de explotación de acordo coa orde de prelación nela.

Xefatura Territorial da Coruña
Rúa Ramón y Cajal, 2 5º andar (Casa do Mar)
15006 A Coruña
Tel.: 981 182 000
xefaturaterritorial.mar.coruna@xunta.gal



5. No caso de que a embarcación seleccionada non acepte todas a/s cota/s ofertada/s, estas pasarán a ser ofertadas á seguinte embarcación da lista.

6. No artigo 46 da Orde do 30 de decembro de 2015, regúlase o emprego das listas, as ofertas das cotas e as causas de exclusión das ditas listas, indicando que as persoas que non acepten os incrementos ofertados durante dúas (2) veces consecutivas sen causa xustificada non recibirán unha nova oferta durante un prazo de doce (12) meses.

7. No caso de renunciaren aos incrementos ofertados durante tres (3) veces consecutivas sen causa xustificada, perderán os seus dereitos e a embarcación quedará excluída da lista por un período de dezaioito (18) meses, podendo solicitar de novo a súa inscrición unha vez transcorrido o dito prazo.

8. A Resolución do 04.05.2016, da Dirección Xeral de Desenvolvemento Pesqueiro, pola que se aproba o baremo para acceder ás modalidades de recursos específicos no permiso de explotación das embarcacións, así como para elaborar as listas e actualizar os méritos para o incremento do número de cotas de captura para as embarcacións incluídas nun plan de xestión de recursos específicos, modificada pola Resolución do 18 de maio de 2020, da Dirección Xeral de Desenvolvemento Pesqueiro, indica:

- No apartado A.3 do anexo I que con carácter xeral, para o incremento, o número de cotas asignadas ás embarcacións estará en función das persoas que teñan enroladas, á vista do rol de despachos actualizado da embarcación coa dotación da tripulación enrolada nela e das certificacións profesionais de cada unha delas e considerarase que o rol de despachos está actualizado á data en que a xefatura territorial comunique o emprego da lista para o incremento de cotas nas embarcacións.
- No apartado A.4 do anexo I que o outorgamento de prazas quedará limitado ao número máximo de tripulantes autorizado/as pola Administración marítima.

9. Esta xefatura territorial é o órgano competente para a elaboración e o control das listas, así como para a súa actualización e para comunicar o seu emprego de conformidade co establecido na sección 4ª do capítulo III e o artigo 52 da Orde do 30 de decembro de 2015, pola que se regula a explotación dos recursos específicos no ámbito da Comunidade Autónoma de Galicia.

De acordo con todo o anterior,

RESOLVO:

1. Comunicar á persoa armadora da embarcación integrante da lista aberta vixente para o incremento do número de cotas de captura para as embarcacións incluídas no plan de xestión do recurso específico SOLÉNIDOS (PE410A 2021/22-1), modalidade mergullo en apnea, da confraría de pescadores de Palmeira, o uso da lista para ofertar dúas (2) cotas.



2. Ofertar as cotas vacantes á embarcación CRUZ DE COUSO , tendo en conta o número máximo de tripulantes que consta no certificado de conformidade e o límite de 3 habilitacións por embarcación que fixa o plan de xestión do recurso.

Confraría	Embarcación	Matrícula	Folio	Cotas actuais	Nº máximo tripulantes (certificado conformidade)	Cotas ofertadas
Palmeira	CRUZ DE COUSO	VILL-1	4666	1	3	2

3. A adxudicación das cotas ofertadas dependerá das persoas que teñan enroladas á vista do rol de despachos da embarcación coa dotación da tripulación enrolada nela e das certificacións profesionais. Para a comprobación disto a persoa armadora da embarcación seleccionada disporá dun prazo de quince (15) días hábiles contados desde o día seguinte ao da publicación desta resolución para presentar a seguinte documentación:

- Escrito debidamente asinado no que se indique o número de cotas que se solicita respecto das ofertadas, identificando aos tripulantes enrolados que contan coa certificación profesional correspondente.
- Rol de despachos actualizado da embarcación coa dotación de tripulación enrolada nela.
- Certificacións profesionais que corresponda ás persoas tripulantes enroladas, agás as expedidas pola Consellería do Mar, de ser o caso. A autorización expresa para a consulta destes datos realizarase empregando o anexo X da Orde do 30 de decembro de 2015.
- Xustificante de ter aboada a taxa correspondente para a expedición dos novos permisos de explotación onde quedará reflectido o novo número de cotas.

O artigo 10 da Lei 4/2019, do 17 de xullo, de administración dixital de Galicia, establece a obrigatoriedade para as persoas traballadoras autónomas de relacionarse a través de medios electrónicos no ámbito do sector público autonómico para os trámites e as actuacións que realicen no exercicio da súa actividade profesional. Por tanto, as solicitudes e a documentación indicada, deberán presentarse por vía electrónica a través do formulario normalizado PX006A (achega de documentación adicional) dispoñible na sede electrónica da Xunta de Galicia (<https://sede.xunta.gal>), dentro do procedemento aberto PE401M. Para a presentación da documentación será necesario identificarse electrónicamente mediante calquera dos sistemas de identificación e sinatura admitidos pola sede da Xunta de Galicia.

Se o armador dentro do prazo fixado non presentase a documentación ou do exame dela se deducise que carece dalgún dos requisitos sinalados na base 1.2 da convocatoria, entenderase que non acepta a oferta do incremento de cotas por desistencia.





De acordo co disposto no Decreto 425/1993, do 17 de decembro e a Orde do 30 de decembro de 2015, a embarcación seleccionada que presentase a documentación dentro do prazo establecido deberá cumprir ademáis cos seguintes requisitos para a obtención do incremento das cotas asignadas :

- a) Non ter sancións firmes en vía executiva en materia de protección de recursos mariños, pendentes de pagamento.
- b) Que as persoas tripulantes estean en posesión dos certificados profesionais correspondentes.
- c) A persoa armadora da embarcación non poderá ser titular dun permiso de explotación a pé para recursos específicos, debendo renunciar a este.

Se a persoa armadora non acepta o incremento ofertado durante dúas (2) veces consecutivas sen causa xustificada non recibirá unha nova oferta durante un prazo de doce (12) meses. No caso de renunciar aos incrementos ofertados durante tres (3) veces consecutivas sen causa xustificada, perderán os seus dereitos e a embarcación quedará excluída da lista por un período de dezaioito (18) meses, podendo solicitar de novo a súa inscrición unha vez transcorrido o dito prazo.

A presente resolución publicarase no taboleiro de anuncios da Xefatura Territorial de A Coruña e na páxina web <http://mar.xunta.gal>. A resolución tamén se exporá, con carácter informativo, nos taboleiros de anuncios da Xefatura Comarcal de Ribeira da Consellería do Mar e da confraría de pescadores de Palmeira.

De conformidade co disposto nos artigos 121 e 122 da Lei 39/2015, do 1 de outubro, do procedemento administrativo común das Administracións Públicas (BOE núm. 236, do 2 de outubro de 2015), contra esta resolución, que non esgota a vía administrativa, poderase interpor recurso de alzada ante a Consellería do Mar no prazo dun (1) mes a contar dende o día seguinte ao da súa notificación.

Esta resolución notifícaselle á confraría de pescadores de Palmeira como entidade do plan de xestión do recurso específico Solénidos, consonte ao artigo 40 e seguintes da Lei 39/2015, de 1 de outubro.

A xefa territorial
M^a José Cancelo Baquero
(sinatura electrónica)

Xefatura Territorial da Coruña
Rúa Ramón y Cajal, 2 5º andar (Casa do Mar)
15006 A Coruña
Tel.: 981 182 000
xefaturaterritorial.mar.coruna@xunta.gal

ANEXO I CONFRARÍA DE PESCADORES DE PALMEIRA

LISTA ABERTA PARA O INCREMENTO DE COTAS DE CAPTURA PARA AS EMBARCACIÓNS INCLUÍDAS NO PLAN DE XESTIÓN DO RECURSO ESPECÍFICO DE SOLÉNIDOS (ordenadas por orde de puntuación)

Embarcación	Matrícula	Folio	Embarcación cunha soa cota de captura C.1	Experiencia profesional armador C.2	Habitualidade da actividade pesqueira C.3	Total
CRUZ DE COUSO	VILL-1	4666	5.00	4.00	3.00	12.00
ANDURIÑA	VILL-1	4495	0.00	4.00	3.00	7.00

Os epígrafes de cada columna son: (de acordo co apartado C do anexo I da Resolución do 4 de maio de 2016, da Dirección Xeral de Desenvolvemento Pesqueiro, pola que se aproba o baremo para acceder ás modalidades de recursos específicos no permiso de explotación das embarcacións, así como para elaborar as listas e actualizar os méritos para o incremento do número de cotas de captura para as embarcacións incluídas nun plan de xestión de recursos específicos, modificada pola Resolución do 18 de maio de 2020, da Dirección Xeral de Desenvolvemento Pesqueiro).

- **TOTAL:** puntos acadados en total.
- **C.1: Embarcacións que só teñen unha cota de captura no plan de xestión: 5 puntos.**
- **C.2: Experiencia profesional no sector da persoa armadora da embarcación**
Terase en conta que a persoa armadora estivese enrolada como mergulladora en embarcacións que contan coa modalidade nos 2 anos anteriores á data da convocatoria: 0,2 puntos/mes completo. Non se puntuarán os méritos de formación e experiencia profesional cando a persoa ou algunha das persoas seleccionadas sexan armadoras ou propietarias doutras embarcacións que xa posúan as modalidades de marisqueo de vara ou de recursos específicos no seu permiso de explotación. **A puntuación máxima total que se poderá obter nesta epígrafe será de 4 puntos.**
- **C.3: Habitualidade da actividade pesqueira**
 - Se a embarcación acredita ter realizado actividade extractiva entre 15-35 % dos días que foron efectivamente autorizados para a extracción dentro do plan de xestión do ano natural inmediatamente anterior: 1 punto.
 - Se a embarcación acredita ter realizado actividade extractiva entre 35,01-60 % dos días que foron efectivamente autorizados para a extracción dentro do plan de xestión do ano natural inmediatamente anterior: 2 puntos.
 - Se a embarcación acredita ter realizado actividade extractiva superior a un 60,01 % dos días que foron efectivamente autorizados para a extracción dentro do plan de xestión do ano natural inmediatamente anterior: 3 puntos,
A puntuación máxima total que se poderá obter nesta epígrafe será de 3 puntos.

